

桂

洲

詩

集

桂洲詩集卷之第四

特進光祿大夫太子太師尚書華蓋大夫守尚書右僕射

詩 五言古詩三十二首

燕集四首

正憲長鳳山惲憲副東麓汪憲副守

巖宴予廣視堂時伍清磯陸敏齋

二正郎在席賦

黔國公後樂堂

中秋飲余懋昭編修宅得月字

保定明倫堂宴集

閒適一首

草堂漫興

物色三首

涿州公館與樊侍御張地官對月

喜雨次江鵬峰韻

次韻種花

題詠一十一首

李生信泉厓卷

羅琴士卷

讀大明律

直軒

周節婦三窮圖

題棟塘居士卷

題劉僉憲鵠原秋雨卷次朱凌谿杭

雙溪韻二首

北堂榮壽卷為高太守時雍題次劉

士鳳韻

貞石卷為鄧營繕正郎題次陸江東

先生韻

祠廟二首

謁二忠祠

河間謁文廟示諸生

樂府五首

折楊柳

七賢過關

從軍行

白鶴歌

當對酒

悲悼六首

挽竹居翁

挽琴泉翁

黃憲副乃尊

扶柩入舟夜志哀四首

五言古詩三十一首

燕集四首

聶憲長鳳山惴憲副東麓汪憲副守

巖宴予廣視堂時伍清磯陸敏齋

二正郎在席賦

逍遙陟崇臺暇日聊銷憂虛堂瞰城郭萬象

毫毛收南瞻鳳凰嶺北眺鸚鵡洲連岡苑草
樹遙江引烟流萬井麗朱甍第宅多王侯仰
盼霄漢逼俯睇雲霧稠登筵境已廣改席興
更幽徘徊接清歡邂逅感良遊夕鳥漸鳴集
西岷景難留開軒列華燭浩露滿林丘星斗
臨前軒燈火隱南樓吏人羅山阿軒蓋聳飛
浮羣公既極覽衆賓亦長謳伊予忝王使停
節暫夷猶茲會諒靡常作歌詒千秋

黔國公後樂堂

積雨生夏涼振衣君子堂登堂一何爲歡樂
殊未央四野絕烟氛百蠻奠封疆三軍鼓腹
遊萬馬爭騰驤主人日多暇書史坐相忘桂
棟掩浮雲蘭檉襲衆芳清泉引華沼丹霞耀
玉房石形疊巘嶠松響答琳琅梧高鳳凰集
竹深翡翠藏簾隱朱華明堦侵碧草長援琴
奏薰風飲酒歌太康茲辰感良遊萬里聚冠

裳主人飽令德賓醉豈辭觴親仁情乃暱愛
賢眷彌光願言職恩憂江湖懷廟廊

中秋飲余懋昭編修宅得月字

複院延清秋層城遞華月乍憐圓影靜漸覺
涼輝發遙思耿千里佇望凝雙闕超忽臨中
天坐見繁星沒

保定明倫堂宴集

良辰枉嘉召弭蓋城南隅賢主欣並逢况我

英寮俱列筵廣堂上從者皆文儒綺席交連
屏翠幄蔭周除旨酒盈百壺雜穀出中厨清
音厲趙瑟妙曲揚齊竽流雲藹庭際涼飈襲
衣裾芳桂遲秋發綠槐當夏舒覽物嘉可即
含情歡有餘維茲畿輔郡自昔才賢區諸君
務努力共爲明時須

閒適一首

草堂漫興

幽居負北郭高枕倚南山
霜溪流素月照我柴門
關境靜氛穢祛慮澹心
神閒卽此合僊術可以駐
朱顏

物色三首

涿州公館與樊侍御張地官對月

披襟坐清夜明月照人好
風枝辭庭樹露葉光砌草
空堂敞閒寂遙城隱迴抱
微子偕良遊孤懷孰傾倒

喜雨次江鵬峰韻

日夕簷溜頻堦除水流活虛齋對鄰樹秀鬱
遠相發病久心魂清安恬厭喧聒靈雨洵及
時化理資誰幹農望旣已滿我憂亦已豁江
門有新漲涼颺動漁襪往觀嗟靡由塵渴勃
如煖登樓覽澄霽夕峰青可抹

次韻種花

開園種桃李闢徑斬荆棘桃李怡我顏荆棘

刺我目春園多種花秋園多種菊春花好顏色秋菊有芬馥

題詠一十首

李生信泉厓卷

幽人隱空谷結宇傍川石仰攀懸厓青俯視飛泉白杪秋天氣佳翛然恣遠適因之懷故山欲往不可得

羅琴士卷

拂拭朱絃琴一彈白雲吟調歌歎寡和絃絕
為知音以我丘壑想契君山水心相思洞庭
閣悵望匡廬岑

讀大明律

讀書不讀律致主終無術少時聞格言此日
見真實酷吏尚慘刻迂儒務姑息二者並失
之生寃死啣恤風箴讀此編掩卷增臆仁
哉歐陽翁每對刑書泣

直軒

亭亭松栢榦託生南山阿勁直本真性歲晚
自婆娑樛木胡連蜷糾結蒿與蘿霜霰忽已
披凋瘁其柰何幽人德不回耿介矢靡它唯
彼曲學子冠蓋徒戔戔生理苟斯存所獲亦
已多懷哉直軒翁感時發長嗟

周節婦三窮圖

十九事良人席未暖君牀一朝失所天哀痛

斷中腸豈不與君俱垂白在高堂腹中七月
脈男女未分明含哀向白日泉路暫相望
相望幾何時生此遺腹兒嗟哉兩世心係此
脉一絲天未絕夫宗我死竟何爲抱兒兒勿
啼地下應有知願言未亡身仰荷皇天慈
皇天鑒貞心孤兒日岐嶷辛苦三十年黃昏
幾風雨弱冠發秋科娶婦復生子四世同一
堂愁顏變成喜乃知否泰因造物有恒理

物理固有恒福善那有垠向來襁中兒策足
定要津哀哀毋劬勞上書叩天闈風聲樹宅
里節義凌高旻我觀三窮圖淚下沾衣巾

題棟塘居士卷

亭亭雙棟樹託根橫塘曲夏陰一何繁翳我
幽人屋屋中亦何有架上書萬束素琴掛左
壁堦下走麋鹿青山日在戶綠水淨如玉脩
然鶴髮翁有子食君祿安居寡營慮萬事亦

已足倚杖望秋雲采芝入春谷日夕山中歸
床頭酒頻熟

題劉僉憲鵠原秋雨卷次朱凌谿杭

雙溪韻二首

瞻彼鵠在原飛鳴夙成行秋至風雨惡道阻
關山長手足有真愛喪亂情獨傷願言托歌
咏泉下闡幽光

休歌鵠在原重傷君子情原下水東逝原上

日西傾本是雙飛鳥鳴搖長合并中夜忽相
失愁聞秋雨聲

北堂榮壽卷為高太守時雍題次劉

士鳳韻

吹龍鼓擊鼉魚鳳脯擘麟年年酌春酒為壽
北堂人堂前綵衣爛堂上白髮新一朝仕京
國相望參與辰母念兒多憂兒舍母焉求兒
官石城裏母老錦江頭夢中有新詩覺來雙

涕流朝承天上 恩榮親願已酬封以黃金
誥勸以白玉甌高歌爲母壽歡樂卒未休

貞石卷爲鄧營繕正郎題次陸江東

先生韻

陂頭有竒石高人錫嘉名睠彼剛介質契此
貞確情我家桂洲側清溪帶赤城何當水石
間與君重結盟岩岩溪中石疊疊溪上雲雲
石有竒態風水自成文拔地障狂決補天資

煉焚願言堅不移歲晚當贈君

祠廟二首

謁二忠祠

朝出南城門望見城南祠含悽眺野田灑淚
升堂基棟宇何栽栽松栢森前墀瞻言念君
子皎皎雙玉枝 聖皇啓初運孽胡據滇池
啣命屬後先仗義同一時義氣動犬羊英聲
震邊陲 列聖眷明德憲臣繼陳辭褒揚錫

異典紀述磨穿碑子奉萬里役弭節昆明涯
吊往有深感感今重遐思道消仁義損俗降
節槩虧洵濤浩蕩中見此千仞嵯疾風轉蒿
蓬勁草終弗移斯人久徂謝俎豆光陸離榮
名豈終極天枉豈足悲

河間謁文廟示諸生

冠裳肅瞻謁車蓋儼遊從層城麗白日曲巷
延清風綠槐結繁蔭丹桂藹芳叢堯管覆碧

砌蜀葵映朱宮徘徊愜周覽俯仰餘懣悵
慙斗筭材濫聞俎豆容升堂念徒墮入室功
靡崇卓哉希聖心嘉與數子同

樂府五首

折楊柳

征人赴交河楊柳鬱娑娑馬上各攀折歲暮
無餘柯河上居人少河邊戰骨多不敢望舊
鄉寒裳泪如麻

七賢過關

玄陰歲云暮北風飛雪寒客子欲何適關山
行路難高陵栢青青長橋波潺潺眇茲冥鴻
翻弋者徒興歎

從軍行

百金市吳鉤千金買驂騑平且謁天子薄暮
向邊州躍馬躡虜穴拔劍斷胡頭身命豈足
惜君恩誓當酬

白鶴歌

高穹肅顯氣太宇澄沈寥天風吹清秋羣鶴
來九霄朱頂輝丹霞王翮搏扶搖中有帝
真人龍駕遠相招羽衣振躑躅霓裳舞飄飄
盤空恣容與凌虛澹逍遙密邇 玉皇殿如
集紫宸朝口銜玉書文背負瑤池杵影涵滄
海閣聲震華封高左引浮丘公右挹王子喬
願祝 天子壽萬歲歌 唐堯

當對酒

今日胡不樂對酒且宜酌青陽
宛遲暮穠華易銷落翻君白雪
歌引我黃金勺萬事聊爾爾
爾何用苦羈縛

悲悼六首

挽竹居翁

朱絃絕遺響綠樹振哀音
高人久厭世吊望傷我心
芳猷已緬邈文緒尚駸尋
松柏鬱鬱尚

塚截嶧湖山陰何時挹桂醕拜醕展所欽

挽琴泉翁

黃憲副乃尊

琴亡傷古調泉響悲秋山主人不可作流水
空潺湲平生大雅意乃在山水間逝矣巴江
闊岷峨靈氣還

扶柩入舟夜志哀四首

停艦潞河渚沙岼哀鴻鳴飄零此何地寂寞
傷我情北風號暮林遙拆起秋城夜枕傍雙

樞浥浥涕縱橫

縱橫涕泗流寸腸
紫百憂毋養已云棄君恩
徒爾優顧望先人
廬杳杳隔松楸願言返初
服終當守一丘

晨起戒素車野行被嚴霜
前瞻昇毋樞却顧引妻喪
故鄉隔波嶺萬里詎可望
日暮河水引上褰衣
涕徬徨

徬徨昧所之結纜河水湄
寒雨泣孤蓬涼風

飄素帷舟人不肯發欲去故遲遲多難憐平生重此末歲悲

桂洲詩集卷之第四終

桂州詩集卷之第五

特進光祿大夫種暉顯顯太子太師兼御史大夫守尚書令嘉慶太子太師夏官諱

詩 七言古詩二十七首

應制七首

恭和 御製洗暑歌

恭和 御製禁遊歌

恭和 御製 山陵春祭嘉喜歌

有序

恭和 御製中秋思 毋歌

恭撰 瑞幡歌二首

恭撰聞 天樂歌

扈從四首

侍 上觀燕子口歌

御舟歌

禱雪靈幡歌

瑞雪飛瓊歌用前韻

館閣一首

直盧望雪歌次荆公甘露歌韻

答和一十五首

次王浚川雲籠歌

海天春曉歌和答介谿少保

答費鐘石司馬海天春曉歌

翰林院觀蓮歌次席虛山翰長韻

疊韻觀蓮歌答湛甘泉宗伯

疊韻觀蓮歌答張亭谿少詹

疊韻觀蓮歌贈顧未齋宮詹

疊韻觀蓮歌答郭杏東學士

疊韻觀蓮歌答廖鳴吾學士

疊韻觀蓮歌答許函谷少宰

疊韻觀蓮歌答吳北川學士

疊韻觀蓮歌答蔡鶴江學士

疊韻觀蓮歌答馬西玄司成

疊韻觀蓮歌寄孫教齋中允道別

奉次二泉先生石床歌

七言古詩二十七首

應制七首

恭和 御製洗暑歌

靈雨倏而至好風與俱來一洗暑氣煩解愠
符 聖懷百工羣役當盛夏往省幾回思夙
駕亟欲與民共休息廟作 陵工詎堪罷二
三親臣願宣力昨復蒙 恩賜優假九重殿

閣生清涼縱有炎蒸寧足訝豈知我 皇躬
至德同仁一視無疎親癢痲疾痛軫臣列祈
寒暑雨咨小民憂民何啻若大旱用作霖雨
懷股肱武王扇暍亦細事我 皇一念當流
千古馨聖狂之作在罔克業業孜孜念靡歇
萬幾加意在民隱恐以黔黎爲肉血高出百
王在道統飽飫六經如膾炙有周中興賴甫
申小臣何幸生逢辰出入金門侍帷幄寵光

赫奕仍紛續賡歌曷讓三代風千載爭看堯
舜主稽首我 皇真聖神我 皇聖神同
太祖篤生聖人天眷啓法天法祖圖至治天
地解作成雷雨但願我 皇體此發育生生
心永合乾運純無已

恭和 御製禁遊歌

鶯聲漸老燕初歸禁園景物增光輝天迴
御輦馳神駿清遊靜賞興不違 垂衣端拱

等虞舜坐令四海歌無爲對時育物開宸
心翠華臨幸具有因時清萬幾自多暇省耕
亭上惜春深西苑南城俱勝槩千秋萬歲同
慈親四時佳景堪良遊花鳥何必當上春即
今首夏清和天烟中芳草綠芊芊昭和殿裏
觀花發太液池頭看鳥還金鰲玉竦卧波長
廣寒老桂飛天香脩篁萬箇移清馥古松千
尺依承光椒國牡丹真國色那數魏紫兼姚

黃禁遊之樂人間少曾說當年賜閣老我

皇親賢勵臣節幾度同遊光 祖烈感念

君恩報稱難犬馬終當誓銜結赤心願比王
塔葵向日朱英耐炎熱南宮小臣稽首賡載
歌直以寅清共夙夜

恭和 御製 山陵春祭嘉喜歌序

恭惟 皇上以 聖神之資受命中興入

承 大統蒐講三代之制修正 郊廟典

禮具已告成乃展謁 山陵循 宣皇舊

典定春秋躬祀之禮復 命修飾 七陵

所以昭 祖宗之光靈而奉之以嚴者罔

不勤備可謂 至孝乃嘉靖十六年丁酉

二月 車駕發京師甲辰至 陵下齊宿

越二日丁丑 皇上躬詣 長陵春祀禮

成明日戊寅大昕中官馳奏 皇第三子

生永和宮中伏蒙 賜諭臣言聞喜不勝

歡忭既恭詣 行宮叩頭稱慶仰瞻 天
顏倍悅已而復蒙 賜示 御製 山陵
春祭嘉喜歌一章臣捧讀再四仰見 皇
上睿思神文泉湧星爛感 天戴 祖之
忱思 考悅 親之孝事詞宛切情義篤
至紀述一時真足以垂示萬世臣言職在
輔弼叨被 寵靈歡慰之情倍萬恒品謹
恭依 宸韻僭和成篇極愧膚淺無所發

揚伏惟 聖慈俯賜鑒覽

洪惟我 皇聖神不世出功德直邁古帝先
郊禋 廟享 社稷正先王典則咸備焉十
六年來如一日仁孝誠敬心純然今春 乘
輿肇稱 陵祀禮遙望松栢山之巔沾濡雨
露有真感陳詞疊疊親告虔是時修飾 陵
工正興作暫設俎豆 文祖碑樓前禮成明
日戒車馬恭奉 聖母西游還泛舟張樂循

舊典承 顏愛日情拳拳朝來忽報永和宮

中 皇子生少頃 御筆親傳宣 臣勛臣時

暨臣言舉手加額咸曰我 皇聖德真格天

恭趨 行宮造膝 御榻前叩頭拜喜瞻

龍顏多男已協封人祝四海不但歌啓賢六

月之內三降祥洪眷豈弗由 高乾百年朝

家無此熙盛事天保定爾亦孔堅 中興紹

統比肇創 皇運有開當必先山川動色草

木蕃 祖宗考澤流淵淵 慈闈悅懌倍常
情含飴欣覩孫枝連况當 陵下春祀日匪
先匪後期不愆 聖主作歌答 天命義與
玄鳥詩並傳六軍從官總歡忭田夫野老皆
輶嗎但願螽斯蟄蟄其來尚未艾我 皇聖
壽萬萬年

恭和 御製中秋思 毋歌

聖皇大孝超三五已亥中秋月臨午是時

山陵事甫畢感憶 慈宮心猶苦 帝心苦

兮當如何何今歲兮見月不見 毋 毋兮

毋兮不復顧人事天時動相忤思 親起作

中秋歌歌思長兮淚零雨追惟往歲稱觴歡

月殿風臺共容與今年今夕月復翳雲暗風

淒烏夜語 皇天有情綏 孝子夜長華表

鶴不歸白日瑤池青鳥歸歸來報 毋遊

九清銀河天路渺不通有時 顏容恍若見

忽地聲咳還自聆 聖人孝思豈終極 先
王典則禮有終仰見吾 皇篤孝 毋小臣
血淚迸肝腑 投淚賡歌讀 聖文字字哀痛
緣思 親 天子終身慕 父母千古今看
大聖人

恭撰 瑞幡歌二首

升文陛兮玉階侍瑤壇兮紫臺觀華幡兮繡
柱爛雲錦兮新裁恍 天神兮陟降儼星妃

今往迴交玉梭兮結瑞 皇萬福兮大來

黃幡拏雲兮六龍升赤幢紫霞兮百鳳迎龍
矯矯兮抱繡楹雙盤疊縮兮經緯明 元聖
統天兮降紫清 帝錫福兮保長生 皇爲
民兮 大報成瑞之幡兮昭玄靈

恭撰聞 天樂歌

清虛殿前立清宵高空無雲澹寥寥忽聞天
樂自天下知是羣僊降紫霄乍聽恍如墮空

碧一聲悠揚動林樾神龍夜吟出滄海彩鳳
朝鳴向丹穴玉簫金管按宮商雲璈碧笙振
琳琅白鶴圓吭發清啖倉庚調舌當春陽僊
音法曲雲中度星妃雲君隔烟霧翠旂縹緲
導龍輿羽節參差引鸞輅太平 聖主壽萬
年四時調和八風宣白頭詞臣拜稽首時聞
廣樂來鈞天

扈從四首

侍 上觀燕子口

龍旗翩翩出 行宮青紗小蓋迎薰風 天
子新乘出土王馬上願指三臣從 臣言據鞍
偶獨後蒙 天一笑回重瞳 伏出青林烟霧
合橋橫碧水旌旆通朱衣宮監初賜騎兩兩
玉勒搖玲瓏繡春寶刀連環鎧法輪銀胄通
弭弓柘袍徐徐按龍轡 面面山色圍龍葱屏
開百疊玉翡翠障隱萬朶金芙蓉千巖萬壑

增氣象呈奇獻秀怡天衷須臾路遶龍池上
鳴泉九竇淙如琮烟深春草暖逾碧日午夏
木陰方濃聽鶯直入萬花谷立馬佇看千雲
峰林迴澗曲歷窈窕石蘿嵬薜紛青紅 鑿
輿宛轉度林麓虎士迺邇披蒙茸戍樓粉堞
依峭壁角聲孤起青雲中乃知關山有阨塞
一夫可當千人雄 萬乘天臨豈遊覽太平
紫塞無狼烽黃花遠控三屯北白羊近隘居

庸東安得壯士夷天驕坐人銷甲歸春農

御舟歌

御舟北臣舟南積翠堆雲山似王金鰲王竦
水如藍 臣舟南 御舟北雲龍會合良及
時魚水 君臣永相得

禱雪靈幡歌

帝壇栽栽神幡揚 寶符 御墨書 天皇
紫壇午夜靈風翔 華幡四帶素霓長王虹

垂垂拂練光倏忽糾結昭天章如手縮取
繫偏傍交股疊勝環中央於皇上帝降吉
祚六花兆瑞宜豐穰九重一念憂如傷小
臣奔走情徬徨仰瞻僂僕祝遙蒼同雲暮空
幄帟張堆瓊積玉迷封疆臘前一白農所望
潤地千里無飛蝗帝力神功惠萬方

瑞雪飛瓊歌用前韻

瑤空瑞雪瓊飄揚神功聖德歌吾皇紫

壇午夜靈風翔素雲輝輝亘天長飛靈積霰
珠玉光六花片片成文章小臣拜首玉階傍
爐烟馥郁殿中央春前三日降嘉祥大作民
福同穰穰麥莖流潤冬不傷老農懼舞走徬
徨口呼萬歲指穹蒼帝不我惠孰主張無
有爾界與此疆瓊田玉畹同一望深入九地
潛螟蝗豐年熙熙綏萬方

館閣一首

直廬望雪歌次荆公甘露歌韻

雪片燕山大如手連歲何曾有三白難逢凍
已消旬日又春朝山陰不發王猷興空聳吟
肩僉虛訝飛霏着向來珍重擬瓊瑰不眠獨
立天街裏夜色明如水歷歷星河望轉稀惟
有玉階知

答和一十五首

次答王浚川雲龍歌

偶成資治堂乃得雲龍篇彩毫墨華耀白日
高詞遺響振青天君不見杜陵老人氣吐霓
下視建安數才子劒外山川入品藻浣花草
堂手親治又不見李白天才負雄略胸中磊
磊萬丘壑俱說詩成泣鬼神真能握筆摧山
嶽二公豪傑世難有才自天成匪人授浚川
夫子今代奇語解驚人二千首嗟公豈是眼
前人無乃青蓮現後身蹇予落魄安足數漫

勞好句歌陽春

海天春曉歌和答介谿少保

長霞拂曙光龍葱燭能照耀升天東天風扶
搖海水立洪濤覆壓龜鼉宮樓臺微茫浮蜃
氣烟雲溟濛亘天際十洲三島何玲瓏萬壑
千巖倚空翠胷中已失雲夢澤眼底滄波天
一色龍門浩蕩吞百川鼇極孤高迴萬折金
沙瑤草春青青朱陵老桂敷冬榮天吳紫鳳

歛上下長鯨暴鱷時縱橫珠宮貝闕有無間
翠巘丹崖杳莫攀借問桑田是何處黃塵幾
度飛三山誰從五岳尋小有空向三茅煉大
還鶴背天風來往輕羽翰白日道方成朝發
崑丘度瑤水夕宿玄都卧赤城俯視憐羣生
汨沒勞神形競慕黃金穴那知白玉京樵客
竟迷蕉鹿夢野翁忘却海鷗盟天柱峰頭望
日觀海色雲光曉凌亂已藉良工寫壯圖更

煩學士揮芳翰不求生面開凌烟策勲底用
勒燕然坐待海天春日曉但願 君王億萬
年高堂置酒張四筵英雄回首卽神僊未把
丹砂養金鼎且將白玉種瓊田

答費鐘石司馬海天春曉歌

雲霞出海東方白火輪忽迸青天圻元氣洪
濛日夜浮乾坤泱泱波光碧天鷄一聲報春
曉坐令萬國陽和溢氣回川嶽發榮彩時至

物態皆生色丹青好手筆力雄獨對此圖吾
意適却思跨鶴凌三山便欲乘風周八極踏
破天孫烏鵲橋踢翻織女支機石俯視齊州
九點烟四溟已覺盃盃窄醉把僊毫書太空
玉文只恐人難譯

翰林院觀蓮歌次席虛山翰長韻

君不見濂溪老子雅愛蓮徒能著說令人傳
又不見少陵窮吟鄜杜里紅衣落渚愁葭葦

何如王堂學士相從紫禁東蓮花開滿方塘
中翔鳳樓南御氣通石欄臨賞豪興同碧天
過雨清如洗蓮葉蓮花淨倚旄灼灼紅妝映
彩霞亭亭翠葆搖清泚僊侶瀛洲隔世塵醉
拈彩筆酬花神清標遠韻真君子漢女江妃
空笑人錦袍四座皆時彥盡日歌鐘促歡燕
共向雲霄展赤心暫從池館留青盼虛山主
人氣獨豪詞傾巴峽翻春濤自憐高會不易

得披襟對客先揮毫舊遊我愧南宮伯壁上
留題尚堪索夢句蓮歌總一時風流謾紀他
年實

疊韻觀蓮歌答湛甘泉宗伯

吾聞西方國土皆金蓮如來色相非人傳蓬
萊尚隔弱水三萬里安得當年渡江葦我家
住近鄱湖東芳洲宛在清谿中柴門一水舟
楫通蕪溪頗與耶溪同波光水色鏡初洗岍

柳汀蒲弄旖旎中有碧荷紅蓓相因依翠荇
牽風漾清泚山中高卧無一塵冥心不用挫
精神蒲團小坐對禪子短褐焚香延道人年
來追逐金闈彥觀蓮偶共瀛洲讌居士青蓮
現後身九年面壁今迴盼僊翁佛祖皆人豪
眼中萬劫如波濤我欲飛神凌八極垂手倒
提白玉毫甘泉老先九龍伯洞裏烟霞浴冥
索何時共陟太華峰頭玉井邊上攀十丈花

下採如船寶

疊韻觀蓮歌答張亭谿少詹

若耶溪頭歌采蓮女郎艷曲何足傳西湖荷
花香十里畫舫橫波亂葭葦寧知我曹王署
堂之東年年花發銀塘中玉河金溝一水通
此地不與人間同園林夏日清如洗靜看朱
葩翠蓋臨風闌倚旒坐令江妃水僊失顏色
淨洗鉛華照清泚裊裊亭亭絕點塵夕陽過

雨更精神石欄錦榻坐相親揮毫授簡皆詞
人就中我亦追羣彥盡日留歡醉高譙軒蓋
如雲入畫圖歌舞滿堂生顧盼年少吟詩氣
最豪硯池潑墨驅江濤長思邵老如椽筆暗
憶江生五色毫亭谿主人詞林伯秀句天然
謝搜索高秋重約登瀛洲不獨看花還食實

疊韻觀蓮歌贈顧未齋宮詹

顧翁開池還種蓮柯亭劉井俱流傳花開底

須香十里載酒無勞航一葦層軒小構 敬
一亭之東方池正直茲軒中池頭水源太液
通池畔山形島嶼同藥欄花圃日日引泉自
澆洗坐令羣葩衆葉光旖旎翁乃披襟露冕
坐其上時復掀髯照清泚胸中灑落不染塵
抱元守一全谷神共憐經濟無雙士况是文
章第一人夏日看花集衆彥偶綠伏枕違歡
讌諸客臨池恣賞心懷人每爲花畱盼顧翁

相傳集卷之三
六
慷慨真人豪氣雄江海空烟濤包羅已知窮
萬象鑒照每不遺秋毫實察忝竊官宗伯史
局經帷同討索爲翁作歌歌顧池因之聊叙
平生實

疊韻觀蓮歌答郭杏東學士

朝來太液池觀蓮曉涼水面香風傳彩舟橫
波汎十里浴鷺飛鳧傍菰葦蘭橈初發苑門
東廣寒遙指雲霞中石梁宛宛金堤通涵碧

臨漪結構同昭和楊柳露華洗夾岍芙蓉淨
綺旒倚山瑤殿凌翠微近水朱亭瞰空泚雨
晴輦路清無塵恍然景物怡心神何須更問
真蓬島旁觀我已神僊人去年詔集諸朝彥
仁壽宮中大開讌明朝 駕幸幽風亭賜坐
每蒙天一盼杏東先生洛下豪隱居時隔黃
河濤無由爲借宮詞手鳳池應制看揮毫觀
蓮高歌自是詞人伯珠王觸手可玩索筆端

更覺謝浮藻收斂英華歸本實

疊韻觀蓮歌答廖鳴吾學士

觀蓮一歌復一歌此歌句句堪人傳洞庭烟
波渺千里八月秋風動葭葦爾家湖南我湖
東在廬君山一望中蘭橈桂槳飛可通江風
山月招來同湖上黃渠經雨洗采蓮女兒嬌
旖旎香袂飄飄隨遠風新粧的的明清泚竭
來京國走紅塵王堂相對想風神開池半畝

亦自足出水數枝聊可人新篇疊出詞林彥
總爲虛山助高讌珊瑚明珠光陸離應接不
暇空流盼廖學士真楚豪詞源橫發春江濤
却嘆狂夫狂未老也共玉堂揮彩毫羣公一
代文章伯媿我空疎寡思索但解逢人說項
斯敢論走卒知君實

疊韻觀蓮歌答函谷許少宰

聞君作歌歌觀蓮詩筒不見奚奴傳與公住

近長安里巷深積雨生秋葦夜來獨宿書堂
東千里江南入夢中采蓮處處歌聲通楚調
亦與吳歆同白沙蕩漾溪頭洗越女新妝迥
旖旎風吹翠蓋裊亭亭露浥紅蕖清泚泚凌
波羅襪生素塵才子空勞賦洛神芰荷爲衣
蕙爲帶恍若有兮山中人先生慷慨邦之彥
成名早預瓊林讌紫氣西來滿函谷關人戍
卒俱回盼東崕勳業真英豪砥柱獨障龍門

濤人才眼底羅四海私意習中無一毫堂堂
立朝今仲伯種德食報如取索我今細咏瀛
溪花高秋定與王槐竇桂俱垂實

疊韻觀蓮歌答北川吳學士

憶昨王堂署裏同觀蓮諸公唱和人爭傳詞
林盛事誇帝里大雅遺音繼行葦北川學士
住近王河東復東門巷深深細雨中經旬泥
滑車馬不得通向來高會那復同秋風一夜

涼如洗坐使紅蕖失倚旋荷柄搖枯戰晚風
蓮房墜冷依寒泚光景幾何跡已應空賦高
唐與洛神世間富貴真爾爾却笑繁華娛俗
人古來多少稱儒彥幾人得與瀛洲讌勲業
應須會及時文章何足留餘盼男兒生世誇
雄豪當如砥柱障奔濤不從紫塞提龍劍卽
向鳳池揮彩毫北川北川老文伯腹笥五經
窮探索因君贈我觀蓮歌懷抱向君歌道實

疊韻觀蓮歌答蔡鶴江學士

吾聞五沃之土多生蓮一花十丈空人傳
悵望江南幾千里八月涼風老葭葦蕩舟出浦
無西東采蓮歌起橫塘中北垞水與南湖通
碧荷紅蕖遠近同吳姬越女巧梳洗錦帶羅
裳靚綺旒露葉田田汎曉波霞姿歷歷明秋
泚芳艷明妝兩出塵楚賦陳詞爲寫神凌綠
波兮送白日望極浦兮懷佳人鶴江學士淮

安彥放歌縱飲同清讌碧塘金渠虛映空蓬
山瑤水頻回盼我歌屢發興愈豪虛堂颯颯
生秋濤端鸚潑盡烏王瑛蜀蘭掃殘白兔毫
羣公巨手稱詞伯蹇子枯腸豈堪索依稀記
得江洪詩微草能花復能實

疊韻觀蓮歌答西玄馬司成

吾憐李太白自稱居士號青蓮長安市上醉
卧呼不起百篇斗酒人間傳子長讀書破萬

卷足跡窮萬里二豪文燄有如鯨魚跋浪滄
溟開下視諸子不啻翡翠飛來立若葦我

朝翰林本在鶴禁鸞坡東宰輔元居紫閣中
竹埤梧垣宛相通風雨不到丹青同門館清
虛晝如洗紅藥春堦翻旖旎外署却在玉河
隄之西鑿沼栽蓮注芳泚古槐深院隔紅塵
學士文章泣鬼神班揚詞賦固其匹甫白才
名輩有人西玄馬子關中彥看花昔共南宮

讌二十八宿空遺我十六年間如轉盼諫垣
草奏氣頗豪直身孤立當風壽全軀旦夕賴
明聖濟時裨益無纖毫王堂視篆仍宗伯向
來材館今蕭索眼底虛山白山與子纔三人
弩力早向明時充鼎實

疊韻觀蓮歌寄孫毅齋中允道別

玉堂昨日罷觀蓮今日錦席離盃傳潞河樓
船下千里兩岬蒼蒼盡江葦遙憐張翰之江

東風正帆懸一望中綠波渺渺滄海通白雲
處處青山同紅塵兩足且向滄浪洗丈夫面
目何須向人學倚旄吾悲世之齷齪者翻使
旁觀賴有泚百年岐路傍風塵但把肝腸質
鬼神黑頭那用三公貴青史須看百代人朝
來辭却官坊彥彩衣春酒娛家讌戀闕曾蒙
聖主知還鄉實慰高堂盼毅齋中允江左豪
昔年曾沂岷江濤一時文采重玉節萬里使

華明彩毫山林興味宜詩伯六經諸子堪研
索暮年閉門饒著書從古聖賢多務實

奉次二泉先生石床歌

山中石床誰得之泉翁松下觀泉時松聲泉
響答金石坐來耳目生神奇巨靈有斧那辦
此媧皇學煉徒爲爾天畱一榻雙松根白雲
不飛流水止前身恐是泉翁物山僧試問點
頭不此泉此石非此翁誰爲茲山發靈鬱君

不見南州下榻延孺子又不見胡床對月邀
庾公高情逸興兩寂寞故物已落銷沉中爭
如泉翁惠山山中一片石千古萬古餘清風

桂洲詩集卷之第五終